

ERASOA ESTATU BATUEN AURKA



LEHEN KOLPEA. New Yorken goizeko 08:45 zirenean Bostondik Los Angeleserako bidean ustez bahituriko Boeing 767 airekoak WTC-ko hegoaldeko dorrea jo zuen 60. solairu aldera, eta sute erraldoia eragin zuen.



BIGARREN HEGAZKINA HURBILTZEN. Irudiaren eskuinean agerituen airekoak iparreko dorrea —irudian hegoko dorreak estaltzen du— jo zuen ordu erdi geroago. Ez da baieztatu zein motatako edo zein konpainiatako zen bigarren hegazkina, baina hainbat iturriren arabera, lehena baino txikiagoa zen.



IPARREKO DORREA JOTZEN. Bigarren erasoa jasan zuen iparreko dorrea talka gertatu eta ordubetera amildu zen. Handik gutxira eraikin bikia erori zen. Hauts hodei batek Manhattan osoa hartu zuen, eta hainbat zentimetrotako geruzak kaleak, etxeak eta erreskate taldeetako kideak eta biktimak estali zituen.

Erredakzioa | DONOSTIA

New Yorkeko World Trade Center —*Dorre Bikiak*— amildu ziren atzo goizean ustez bahituriko bi hegazkin komertzialek eraikinaren kontra jo ondoren.

«Bizi kopuru ikaragarria galdu da», esan zuen atzo New Yorkeko alkate Rudy Giuliani-ek Manhattan uhartearen hegoaldean izaniko erasoaren ondorioen berri jakitean.

Lehen hegazkinak New Yorken 08:45 orduak zirenean jo zuen bete-betean hiriko sinbolo diren dorreetako hegoaldekoa. Bostondik Los Angeleserako bidaia egiten zuen American Airlines konpainiako Boeing 767 bat zen eta ustez bidean bahitu zuten. Airekoaren eserleku guztiak okupaturik izanez gero, baliteke 158 lagun barnean joatea, bidaiariak, pilotuak eta eskifaia kontuan hartuta.

Milaka lagunek egunero lantokitza duten eraikinak jendez husteko agindua eman zuten agintariekin berehala, dorrearen goiko solairuak suak eta garrek hartuta zutela eta.

Bigarren hegazkinak ordu erdi geroago jo zuen iparreko dorrea. Lekukoen arabera airekoa lehen hegazkina baino txikiagoa zen, eta ez da baieztatu zein ibilbide zuen edo zein konpainiatako zen.

Dorreetan zegoen jendea izuak jota eta trumilka hasi zen ateratzen eraikinetatik. Hainbat lekukok aditzera eman zuten, lagun askok leihoetatik salto egin zuten eraikinetatik ateratzeko.

Ordubete eskasean, leherketa bat gertatu ondoren, 30. solairutik gora eraitsi zen 110 oin zituen ipar dorrea. Hegoaldeko dorre bikia geroxeago amildu zen sua eta kea zeriola.

New York osoko erietxeak ehunka zauritu jasotzen hasi ziren. Gehienek keak eta suak eragindako zauriak zituzten. Zaurituetako asko larri zeudela eman zuten jakitera erietxeeta-

Kapitalismoaren sinboloak ziren dorreak amildu dira bi airekok kolpatu ondoren

New Yorkeko eraikinik garaienak ziren *Dorre Bikiak* 50.000 lagunek egiten zuten lan eta 70.000 bisitari izaten zituzten egunero



Herritarrak, hegazkinek eragindako suteak kaletik ikusten.

ko iturriek. Herritar ugari odola ematera hurbildu ziren ospitaleetara.

Lehen erasoa 1993. urtean

Leherkariz beteriko furgoneta batek eragin zuen 1993. urtean WTCren eraikinaren kontra eginiko lehen erasoa. Etxeorraztetako bateko bost solairu kaltetu zituen eztandak. Sei hildako eta mila bat zauritu eragin zituen EEBBek ordu arte jasadako atentaturik handienak.

Omar Abdul Rahman elizgizon musulmana kartzelaratu zuten 1995. urtean erasoa planeatu izana leporatuta. EEBBek Israeli ematen dioten laguntza dela-eta protestatzeko egin zu-

BIKTIMAK

Erasoa gertatu zenean, WTCn egunero lan egiten duten 50.000 lagunetako asko helduak ziren beren lanpostuetara

tela erasoa esan zuten akusatuak aulkian izaniko lagunak.

Kapitalismoaren sinboloa

Erasoa gertatu zenean WTCn egunero lan egiten duten 50.000 lagunetako asko helduak ziren beren lanpostuetara. Etxeorrazten lurrazpiko solairuetan kafetegi, banku, supermerkatu eta liburutegiak zeuden. Inguruan lan egiten duten lagun askorentzat ezinbesteko pasabidea zen WTC. Behe solairuetan, aurreneko 2000 autorentzako tokia zuen aparkalekua zegoen.

Hiriaren baitako hiria ziren New Yorkeko finantzen bihotza ziren EEBBetako kapitalismoaren sinbolo bilaturiko *Dorre Bikiak*. Minoru Yamasaki eta Emery Roth arkitektoen planoari jarraikiz 1970ean eraiki ziren hiriko etxeorraztik garaienak.